

## Selekane sa Tumelo



---

### SABATHA MANTSIBOEA

#### **Bakeng sa Boithuto ba Beke Ena Bala:**

Bagal. 6:14; Baroma 6:23; I Johanne 5:11, 13; Baroma 4:1-7; Lev. 7:18; Lev. 17:1-4; Baroma 5:1.

#### **Teman'a Khopolo:**

“Me ha e le hoba ha ho motho ea ka beoang ea lokilng pel'a Molimo ka molao, hoahona; kahobane ho itsoe: Ea lokileng o tla phela ka tumelo” (*Bagalata 3:11*)

**M**engoaha-kholo e ka ba e supileng pele ho Kreste, seroki Homer o kile a ngola Odyssey, pale ea Odysseus mohale e moholo eo—kamor'a hore a ruthuthake motse oa Troy ntoeng ea Trojan—a ileng a nka leeto la leoatle la lilemo tse leshome a leka ho khutlela ha habo Ithaca. Leeto le bile le lelele hobane o ile a tobana le ho soahlamana ha seke, bokoenehi, lifefo, likoko, le litšitiso tse ling tse neng li mo sitisa ho fihlela mokolokotoane oa hae. Khabareng, kamor'a ho etsa qeto ea hore Odysseus o sotlehile ho lekana, melimo ea lumellana ho lumella mohale enoa ea khathetseng ho khutlela hae ho lelapa la hae. Ea lumellana hore mahlomola a hae a ne a lekane ho lefella liphoso tsa hae. Ka ntsoe le le leng, re tsoana le Odysseus, leetong le le lelele ho ea hae. Phapano ea bohlokoa, leha ho le joalo, ke hore, ka ho fapana le Odysseus, ha re ka ke ra “hlokoatsoa ho lekana” hore re fumane tsela e khutlelang hae. Sebaka se mahareng a leholimo le lefatše se seholo haholo hore re ka lefella liphoso tsa rona. Haeba re ka fihla hae, e tla be e le ka mohau oa Molimo feela.

**Beke ka Bokhutšoanyane:** Hobaneng ha pholoho e lokela ho ba mpho? Hobaneng ha e le feela ea lekanang le Molimo ea ka lefang theko ea meea ea rona? Ke eng e etsang hore Abraham a be e be moemeli ea molemo ka ho fetisa oa tumelo? Ho bolela'ng hore ho loka rea ho “balloa” kapa rea ho “alingoa.” Re ka etsa lipallo le tšepo ea e fumanoang Sefapanong ea rona?

*\*Ithute thuto ea beke ena ho lokisetsa Sabatha sa la 19 Phuptjane.*

## Re Talima Morao Golgotha

Tsela ea Testamente ea Khale ea pholoho tlas'a selekane sa Moshe ha ea fapana le tsela ea Testamente e Ncha ea pholoho tlas'a selekane se secha. E ka ba ke Testamenteng ea Khale kapa ke e Ncha, selekane sa khale kapa se secha, pholoho e tla ka tumelo feela. Haeba e ne e le ka ntho e 'ngoe esele, joalo ka mesebetsi, pholoho e ne e tla ba ntho eo e leng mokitlane oo re lokelang ho o lefuoa, ntho e 'ngoe eo 'Mopi a lokelang ho re nea eona. Ke feela motho ea sa utloisiseng botebo ba sebe a ka lumelang hore Molimo o tlamehile ho re boloka. Ho fapaneng ke hore, haeba ntho e teng, ke ntho e le 'ngoe e tlamang; lehlohonolo ke hore Jesu o fihletse tefo eo bakeng sa rona.

“Ha banna le basali ba ka fihlela kutloisiso e tletseng ea boholo ba sehlabelo se entsoeng ke Motlotlehi oa leholimo ka ho shoa bakeng sa motho, ke moo leano la pholoho le tla phahamisoa, ‘me ho nahana ka ka Golgotha ho tla tsosa, boikutlo bo bonolo, bo halalelang, le bo mahlaha-hlaha pelong ea Mokreste. Lithoriso tsa Molimo le tsa Konyana li tla ba lipelong tsa bona le melomong ea bona. Bikhohomoso le boiphahamiso ha li ka ke tsa tlokoma pelong tse bolokileng liketsahalo tsa Golgotha li le ncha ka kelellong. . . . maruo ohle a lefatše ha a lekana ho lopolla moea o le mong o timelang. Ke mang ea ka lekanyang lerato leo Krete a le utloileng bakeng sa lefatše le lahlehileng ha a leketlile sefapanong, a utloisoa bohloko ka lebaka la libe tsa batho ba molato? Lerato lena le ne le hloka tekanyo, le pheletso.

“Kreste o bontšitse hore lerato la Hae le matla ho feta lefu. O ne a fihlela pholoho ea motho; leha a ne a na le nto e matla khahlanong le makhotla a lefifi, feela har'a tseo tsohle, lerato la Hae la 'na la tota ka ho fetisa. O ile a mamella ho patoa ha sefahleho sa Ntat'ae, ho fihlela a ba a hooa bohlokong ba moea oa Hae: 'Molimo oa ka, Molimo oa ka, u ntahlets'eng na?' letsoho la Hae le tlisitse pholoho. Theko e ne e lefuoe ho reka topollo ea motho, ha, ntoeng ea ho qetela ea moea, mantsoe a hlohonolofetseng a buuo a o neng e ka a phatlalla le tlhaho eohle: 'Ho phethehile.'

“Liketsahalo tsa Golgotha li hloka boikutlo bo tebileng ka ho fetisisa. Ke ntho e ka utloisisehang haeba u ka bontša cheseho e kholo litabeng tsena. Hore Krete, ea se nang sekoli, ea se nang molato, a ka shoa lefu le bohloko ha kaalo, a jere boima ba libe tsa lefatše, mehopolo le menahano eohle ea rona e sitoa ho fihlela kutloisiso ea eona e felletseng. Bolelele, bophara, bophahamo, botebo, ba lerato le hlolang ha kaalo re sitoa ho bo lekanya. Monahano oa botebo bo sa lekanngoeng ba lerato la Mopholosi o lokela ho tlala ka pelong, o ame le ho qhibilihisa moea, o hloekise le ho phahamisa khahleho, ‘me o fetole semelo ka botlalo.”—Ellen G. White, *Testimonies for the Church*, pok. 2, maq. 212, 213.

**Rapela ka seo Ellen G. White a se ngotseng mona. Ho boloka mela ena khopolong, bala Bagalata 6:14 e be oa ipotsa, nka ithabela Sefapanong sa Krete joang?**

## Selekane le Sehlabelo

“Le ntse le tseba hobane, ha se ka tse bolang, ha se ka selifera le ka khauta le lopollotsong mokhoeng oa lona oa lefeela, oo le neng le o rutiloe ke bontat’a lona; empa e le ka mali a bohlokoa a Kreste, konyana e se nang letheba le sekoli” (1 Pet. 1:18, 19).

### **Petrose o bolela’ng moo ha a re re lopollotsoe?**

---

Petrose ha a bua ka lefu la tefelo la Kreste sefapanong, taba ea “tefo” kapa theko eo a buang ka eona e tlisa kelellong tloaelo ea khale ea ha lekhoba le lokolloa bokhobeng kamor’a hore theko e lefuoe (hangata ke moamani). Ka tsela e fapaneng, Kreste o re lopollotse bokhobeng ba sebe le tholoana ea sona ea ho qetela, e leng lefu, empa o entse sena ka “mali a hae a bohlokoa,” lefu la Hae le nkileng sebaka sa rona la boithaopo Golgotha. Hape, ona ke oona motheo oa lilekane kaofela: kante ho oona, selekane se felloa ke molemo, hobane Molimo o ne o tla be o sa phethahatsa karolo ea oona ea tumellano, e leng neo ea bophelo bo sa feleng e neoang bohle ba lumelang.

### **Sheba litemana tse latelang: Baroma 6:23, 1 Johanne 5:11, 13. Kaofela ha tsona li na le molaetsa o fe o tšoanang?**

---

Re na le tšepiso ena ea bophelo bo sa feleng, hobane ke Jesu feela ea neng a ka koala lekhalo le neng le re baketse ho lahlehelo ea bophelo bo sa feleng. Joang? Hobane ho loka le boleng bo se nang pheletso ba ‘Mopi a ‘notši ke bona bo neng bo ka hlakola molato oo re neng re na le oona oa molao o robiloeng—bona ke bona bophara ba lekhalo le neng le bakiloeng ke sebe. Ebile, see se ne se tla bolela eng ka ho tiea ha molao boitšoarō oa ka ho sa feleng oa Molimo, haeba sebopuoa se nang le pheletso, se fetang, se ka lefa molato oa tlōlo ea oona. Ke feela ea lekanang le Molimo ka sebele sa Hae, eo ho Eena bophelo bo leng teng bo sa alingoa hape bo se nang qalo hape bo sa feleng, ea neng a ka lefa kotlo e hlokeheng ho re lokolla molatong oo re neng re na le oona molaong. Ke ka eona tsela ena

**Nahana e be ngoana oa motho e mong, museamong oa bonono, o akhela balune e tletseng enke motakong oa Rembrandt [setaki se tummeng haholo] e be o e sentse ka botlalo. Motako ona theko ea oona ke limilione; batsoali, haeba ba ne ba ka rekisa tsohle tseo ba nang le tsona, e be ba sitoa ho atamela haufi le ho lefa molato oo. Setšoantšo see se re thusa ho utloisisa botebo ba lekhalo le bakiloeng ke sebe ka tsela e fe, kamoo re se nang bokhoni ba ho lokisa kateng, le hore ke hobaneng ha e le Morena feela ka sebele sa Hae ea neng a ka lefa molato oo?**

## Tumelo ea Abrahamama: Karolo ea 1

“Eaba o lumela Jehova, ‘me Jehova a ‘malla ho lumela ha hae hore ke ho loka” (Gen. 15:6).

Temana ena e lutse e le e ‘ngoe ea lipolelo tse tebileng haholo tsa Lengolo. E thusa ho tiisa ‘nete ea bohlokoa ea borapeli ba Bibe, ba ho lokafatsoa ka tumelo feela, ‘me e etsa sena mengoaha-khoho e mengata pele Pauluse a ngola ka eona ho Baroma. Tsena tsohle li thusa hore paka hore ho tloha Edene ho ea pele, esale pholoho e tla ka mokhoa o tsoanang. Moelelo oa pele oa temana ena o re thusa ho utloisisa kamoo tumelo ea Abrame e neng e le khoho kateng, ea ho lumela pallo ea Molimo ka ho ba le mora ho sa natse bopaki bo bonahalang bo ka etsa hore pallo eo e se khonahale. Ke mofuta oa tumelo o eelloang ho hloka thuso ha eona ka botlalo, mofuta oa tumelo o hlohang boinehelo bo felletseng ba botho, mofuta oa tumelo o hlohang boinehelo bo felletseng ho Morena, mofuta oa tumelo oo tholoana ea oona e leng kutlo. Ena e ne e le eona tumelo ea Abrame, ‘me o ile a e balloa hore “ke holoka.”

**Hobaneng ha Bibe e re o ile a “ho balloa” kapa a ho “alingoa” e le ho loka? O ile a etsa’ng, nako e khutšoanyane kamor’a hore Molimo o mo bitse hore o lokile, se re thusang ho utloisisa hore ho loka hona o ne a ho alinngoe, ho fapana le seo eena a neng a le sona hantle-ntle?**

---

Leha bophelo ba Abrame e bile bophelo ba tumelo le kutlo ha kaalo, e ne e se bophelo ba tumelo e phethahetseng le kutlo e phethahetseng. Ka nako tse ling o ne a bontša mefokolo lintlheng tsena ka bobeli. (A na taba ee e tsoana le ea motho e mong eo u mo tsebang?) Tsena kaofela li lebisa ntlheng ea bohlokoa, ‘me eona ke: ho loka ho re pholosang ke ho loka hoo re ho alinngoe, ho loka ho (ha re sebelisa lentsoe le boqheteke la Thutomolimo) kenngoang ka ho rona. Sena se bolela hore re phatlalatsa re le ba lokileng mahlong a Molimo, ho sa natse liphoso tsa rona; ho bolela hore Molimo oa leholimo o re talima re le ba lokileng leha re se joalo. Ke seo a ileng a se etsa ka Abrame, ‘me ke seo a tla se etsa ho bohle ba tlang ho Eena ka “tumelo ea Abrahamama” (Baroma 4:16).

**Bala Baroma 4:1–7. Talima moelelo oo Pauluse a sebelisang Genese 15:6 ka oona. Rapela ka litemana tsena e be u ngola ka mantsoe a hau seo u lumelang li se bua ho uena.**

## Tumelo ea Abrahamama: Karolo ea 2

Ha re talima Genese 15:6 hape, re bona hore phetolelo tse ngata li hlalishitse lentsoe balloa (se-Heberu, hasab) kapa “kenyellets’a” kapa “ananela” kapa “talingoa.” Lentsoe le tšoanang le sebelisoa hape libukeng tse ling tsa Moshe. Motho kapa ntho e “talingoa” kapa e “nkuoa” e le ntho e ‘ngoe eo motho kapa ntho eo e seng eona. Mohlala, ho Genese 31:15, Ragele le Lea ba tiisa hore ntat’a bona o ba “lekanya” (“talima” kapa “bala”) e le balichaba, leha e ne e le barali ba hae. Boshome ba mo-Levi bo “lekanyoa” (“talingoa” kapa “baloa”) joalo ka koro e nkoang seotlong, leha ho hlakile hore ha se koro (Num. 18:27, 30).

**Taba ea ho lekanya e hlalosoa joang moeelong oa mahlabelo? (Lev. 7:18, Lev. 17:1–4).**

---

Phetolelo ea King Jamese sebelisa lentsoe fana ho fetolela hasab. Haeba sehlabelo se itseng (sehlabelo sa teboho) se a jooa kamor’a matsatsi a mararo, se lahlehelo ke boleng, ‘me ha se na ho “baloa” (Lev. 7:18; se-Hebreru, hasab) molemong oa ea se faneng. Levitike 7:18 e bua ka boemo boo ho bona sehlabelo se “baloang” molemong oa moetsalibe (bapisa le Lev. 17:1–4) eo kamorao ho moo a emang kapele ho Molimo ka ho loka. Molimo o balla moetsalibe eo hore o lokile, leha e le hore motho eo ha a loka.

**Nka nako u tsepame ‘neteng ena e makatsang ha hore, ho sa natse liphoso tsa rona, re balloa, nkuoa, re lokile mahlong a Molimo. Ngola ka mantsoe a hau seo u utloisang se boleloa ke taba ena.**

---

‘Nete e kholo, ea ho phatlalatsoa re le ba lokileng, e seng ka lebaka la liketso li fe kapa li fe tseo re ka li etsang empa ka lebaka la tumelo ho seo Kreste a re etselitseng sona, ke oona moelelo oa poleloana “ho behoa ba lokileng ka tumelo.” Feela, ha se hore tumelo ea rona ka bo-eona e re beha ba lokileng; empa, tumelo ke koloi e re isang moo re fumantšoa neo ea ho loka. Sena, hantle-ntle, ke botle, sephiri, le khanya ea Bokreste. Sohle seo re se lumelang re le Bakreste, joalo ka balateli ba Kreste, motso oa sona o tabeng ena e hlollang. Ka tumelo, re balloa hore re ba lokileng mahlong a Molimo. Tsohle tse latelang kamorao ho moo; kutlo, khalaletso, khalalelo, ntlafatso ea semelo, lerato, li lokela ho hlaha ‘neteng ena ea bohlokoa.

**U araba joang motho ea batlang ho ba Mokreste feela a re, “Feela ha ke ikutloe ke lokile”?**

## Ho Phomola Lipallong

Ho phetoa pale ea mo-Cardinal Bellarmine ea tummeng, moitseki oa mo-Katholike ea qetileng bophelo bohle ba hae a loantsa molaetsa oa ho lokafatsoa ka ho loka ho fanoeng feela. Eare ha a robetse a le makhatheng a lefu, o ile a tlišetsoa sefapano le makhabane a bahalaleli ho mo fa tiisetso pele a shoa. Empa Bellarmine a re, “Se tloseng. Ke nahana ho bolokehile ho tšepela makhabaneng a Kreste.”

Batho ba bangata ha ba atamela pheletso ea maphelo a bona, ba hetla morao ‘me ba bona kamoo liketso tsa bona le mesebetsi ea bona e leng lefeela, e se nang molemo, e se nang thuso bakeng sa ho ba fumanela pholoho ho Molimo o halalelang, ‘me ka mokhoa o joalo kamoo ba hlokang ho loka ha Kreste kateng.

Feela litaba tse molemo ke hore ha rea lokela ho emela ho atamela ha lefu hore re be le tšireletseho ho Morena hona joale. Selekane sohle se itšetlehile holim’a lipallo tsa Molimo hona joale, lipallo tsa rona hona joale, lipallo tse ka ntlafatsang bophelo ba rona hona joale.

**Sheba litemana tse latelang e be u araba potso e botsoang le e ‘ngoe le e ‘ngoe ea tsona moelelong oa ho ntlafatsa, ho boloka, le ho matlafatsa kamano ea hau ea selekane le Molimo:**

**Lipes. 34:8 (U ka latsoa molemo oa Molimo joang?)**

---

**Matt. 11:30 (Ke eng ka seo Kreste a re etselitseng sona se etsang hore joko ee e be bobebe?)**

---

**Baroma 5:1 (Ho beoa ea lokileng ho kopana kae le khotso?)**

---

**Bafil. 2:7, 8 (U unngeng molemo o fe boiphihlelong ba Kreste?)**

---

Hlahloba bophelo ba hau u ntse u rapela e be u ipotsa hore, ke lintho li fe tseo ke li etsang tse matlafatsang kamano ea hau le Molimo, ‘me ke lintho li fe tse e senyang? Ke liphetoho li fe tseo ke lokelang ho li etsa?

## Ho Ithuta Haholoanyane:

“Tsela e le ‘ngoe feela eo ka eona [moetsalibe] a ka fumanang ho loka ke ka tumelo. Ka tumelo a ka tlisa ho Molimo makhabane a Kreste, e be Morena o beha kutlo ea Mora oa Hae ho moetsalibe. Ho loka ha Kreste ho amoheloa sebakeng sa ho hloleha ha motho, ‘me Molimo o amohela, o tšoarella, o lokafatsa, moea o bakang o lumelang, a o tšoare joalo ka ha e ka o lokile, a o rate joalo ka ha a rata Mora oa Hae. Ke kamoo tumelo e balloang ho loka.”—Ellen G. White, *Selected Messages*, buka ea 1, leq. 367. “Ha ka pako le tumelo re amohela Kreste e le Mopholosi oa rona, Morena o re tšoarella litšito tsa rona, e be o fanyeha kotlo e neng e lokela tlolo ea molao. Ke moo moetsalibe a emang kapele ho Molimo e le motho ea lokileng; o ananeloa ke Leholimo le Moeeng oa setsoalle le Ntate le Mora. “Ho sa le teng mosebetsi o mong o lokelang ho fihleloa, ‘me oona ke o tsoellang ka sebopeho. Moea o lokela ho halaletsoa ka ‘nete. ‘Me le sena se fihleloa ka tumelo, hobane ke feela ka lereko la Kreste, leo re le fumanang ka tumelo, semelo se ka fetohang.”—Ellen G. White, *Selected Messages*, buka ea 3, leq. 191.

## Lipotso tsa Puisano:

1. Ho etsoa phapano e fe mahareng a tumelo e phelang le e shoeleng? (Jakobo 2:17, 18). Pauluse o hlalosa tumelo e phelang joang? (Baroma 16:26). Ke lentsoe le fe la mantlha le thusang ho senola se phuthetsoeng ke tumelo?
2. U arabela khang joang (e tlang e utloahala ka tsela e topileng) ea hore haeba re pholoso a ka ho loka hoo re ho balloang feela, e seng ho loka ho teng kahare ho rona, ha ho le joalo ha ho natse na re etsa eng kapa re itšoara joang?
3. “Ho amoheleha ha rona ho Molimo ke ka Mora oa Hae ea ratoang feela, ‘me mesebetsi e molemo ke tholoana ea tšebetso ea lerato la Hae le tšoareleng. Ha se makhabane a rona, ‘me ha re na letho leo re le balloang ka baka la mesebetsi ea rona e molemo e ka re neang tokelo ea ho ba le karolo pholohong ea meea ea rona. . . . O [molumeli] sitoa ho hlalisa mesebetsi ea hae e molemo e le seo ka sona a ka kopang pholoho ea moea oa hae.”—Ellen G. White, *Selected Messages*, buka ea 3, leq. 199. U ntse u bolokile polelo ena ea Ellen G. White ka kelellong, ke hobaneng, ha ho le joalo, ha mesebetsi e molemo e le bohlokoa boiphihlelong ba Bokreste?

**Kakaretso:** Selekane sa Khale, selekane se secha: Jesu o lefile molato oa molao, e le hore re tle re eme re le ba lokileng mahlong a Molimo.